



蘇長公二妙集叙



有拈長以得意處輒以
行不得不行止不得不
止兩語謂是嶺頭一尊

點眼恐未于三昧海中
漲玉浪過人為被長公
作有語相向也余聞古
人濡劑則曰寓書寓者

于然識之天際而辨
雲中故危了則曼衍重
言真寓言廣而詩餘曰
填詞填者曰然若新行

出水碧沆翠潑滴
圓學士把弱毫三寸
才多灰裡陰竹都無興
寄而今古于行間擅場

長公之外無西焦弱侯太
史特摘二種手為點定
而名之曰二妙所善徐孟
雅不負宿草之誼為粹

余
三
行之以五之長公與秦少游
云欲與少游之無窮但
紙盡耳刻止不以微叙
而行豈以思緒之不可度

曲逸和月痕在瓜哀愁
未闕初涼可弄竹筆皆
拖空不為十七八女郎一
語中之眉而使阿萬裂

眼縱之鏤水分為欺烟
堆皺不因伯鸞之執偶
奏桑林之刀而朽土蒙
輪以當一隙則長以自

詩在手腕簡而二種尤手
腕大段者力不得故當
以無意得之而弱候以無
意賞之神也者妙萬物

而為之而柱下復曰玄之
又玄象妙之門象邪物
耶余將于芙蓉城提
青驃如飛之裾而測之

太史時

辛酉秋仲西安方應祥

題於秣陵之亭栢軒



東坡先生尺牘一卷目錄

司馬溫公五首

王荆公二首

張安道二首

范蜀公十一首

范子功六首

范子豐八首

范純夫十一首

范元長十三首

蘇子容二首

劉貢父七首

曾子宣十二首

劉仲馮六首

目錄 終

東坡先生尺牘一卷

瑯琊焦竑批點

茂苑許自昌校

與司馬溫公

徐州

錢塘徐象樸梓

春末景仁丈自洛還伏辱賜教副以超然雄篇
喜怵累日尋以出京無暇比到官隨分紛冗久
稽裁謝悚怍無已比日不審台候何如某強顏
苟祿忝竊中所愧於左右者多矣未涯瞻奉惟
冀為國自重謹奉啓問

二 徐州

某再啓超然之作不惟不肖託附以為寵遂使

東坡二效 卷一
東方陋州以爲不朽之美事然所以獎與則過矣久不見公新文忽領獨樂園記誦味不已輒不自揆作一詩聊發笑耳彭城佳山水魚蟹侔江湖爭訟寂然盜賊衰少聊可藏拙但朋遊闊遠舍弟非久赴任益岑寂也

三

黃州

謫居窮陋如在井底杳不知京洛之耗不審邇日寢食何如某以愚昧獲罪咎自己招無足言者但波及左右爲恨殊深雖高風偉度非此細故所能塵垢然某思之不啻芒背爾寓居去江無十步風濤煙雨曉夕百變又江南諸山在几席下此幸未始有也雖有窮乏之憂顧亦布褐藜藿而已瞻晤無期臨書惘然伏乞以時善加調護

四

登州

某頓首孟冬薄寒伏惟門下侍郎台候萬福某卽日蒙免罪戾之餘寵命逾分區區尺書豈足上謝又不敢廢此小禮進退恐慄未緣趨侍伏冀上爲宗社精調寢興下情祝頌之至謹奉啓不宣

某啓去歲臨去黃州嘗奉短啓爾後行役無定因循至今聞公登庸特與小民同增鼓舞而已亦不敢上問想識此意

與王荆公

某啓某遊門下久矣然未嘗得如此行朝夕聞所未聞慰幸之極已別悵仰不可言經宿伏惟台候康勝不敢重上謁伏冀順時爲國自重不宣

某近者經由屢獲請見存撫教誨恩意甚厚別來切計台候萬福某欲買田金陵庶幾得陪杖屨老於鍾山之下旣已不遂今儀真一住又已二十日日以求田爲事然成否未可知也若幸而成扁舟往來見公不難矣向屢言高郵進士秦觀太虛公亦粗知其人今得其詩文數十首拜呈詞格高下固無以逃於左右獨其行義修飭才敏過人有志於忠義者某請以身任之此外博綜史傳通曉佛書講習醫藥明練法律若此類未易以一二數也才難之歎古今共之如

觀等輩實不易得願公少借齒牙使增重於世其佗無所望也秋氣日佳微恙頗已失去否伏冀自重不宣

與張安道

近年頗留意養生讀書延問方士多矣其法百數擇其簡易可行者間或為之輒有奇驗今此法特究其妙乃知神仙長生非虛語爾其効初不甚覺但積累百餘日功用不可量比之服藥其力百倍久欲獻之左右其妙處非言語文字所能形容然可道其大略若信而行之必有大

益其訣如左

每夜以子後三更三點披衣起只床上權面

東或南盤足叩齒三十六通握固以兩母指或第

四指指握母指兩閉息閉息最是道家要妙先

使心源湛然諸念不起自覺內觀五臟肺白肝

青脾黃心赤腎黑當更求五臟圖常掛壁上使

次想心為炎火光明洞徹入下丹田中待腹滿

氣極即徐出氣不得令候出入息勻調即以舌

接唇齒內外漱煉津液若有鼻涕亦須漱煉不

甘美此是真未得嚥下復前法閉息內觀納心氣不可棄之

丹田調息漱津皆依前法如此者三津液滿口
 卽低頭嚥下以氣送入丹田須用意精猛令津
 與氣谷谷然有聲徑入丹田又依前法爲之凡
 九閉息三嚥津而止然後以左右手熱摩兩脚
 心此湧泉穴上徹及臍下腰脊間皆令熱徹徐徐
 摩之微汗出不妨次以兩手摩熨眼面耳項皆令
 極熱仍按捏鼻梁左右五七下梳頭百餘梳而
 臥熟寢至明

右其法至簡近唯在常久不廢卽有深功且試
 行一二十日精神自己不同覺臍下實熱腰脚

輕快面目有光久之不已去仙不遠但當習閉
 息使漸能遲久以脉候之五至爲一息近來閉
 得漸久每一閉百二十至而開蓋已閉得二十
 餘息也又不可強閉多時使氣錯亂或奔突而
 出反爲害慎之慎之又須常節晚食令腹中寬
 虛氣得回轉晝日無事亦時時閉目內觀漱煉
 津液嚥之摩熨耳目以助真氣但清淨專一卽
 易見功矣神仙至術有不可學者一念躁二陰
 險三貪慾公雅量清德無此三疾竊謂可學故
 獻其區區篤信方行他日相見復陳其妙者焉

文書口訣多枝辭隱語卒不見下手門路今直指精要可謂至言不煩長生之根本也幸深加寶秘勿使淺妄者窺見以泄至道

二

翰林

某以不善俯仰屢致紛紛想已聞其詳近者凡四請郡杜門待命幾二十日文母英聖深照情僞德音琅然中外聳服幾至有所行遣而諸公燮和之數日有旨與言者數君皆促供職明日皆當見益不敢堅臥嫌若復伸前請爾蒙知愛之深不敢不盡幸爲察之褊淺多忤有愧教誨

之素臨書悒悒

荅范蜀公

徐州

前日辱書并新詩累幅詞格清美欽味不釋手屬使者交至紛紛無暇裁荅後時再領手教愧悚無地比日起居何如未由披奉萬萬以時自重

二

黃州

李成伯長官至辱書承起居住勝甚慰馳仰新居已成池圃勝絕朋舊子舍皆在人間之樂復有此過者乎某凡百粗遣春夏間多患瘡及赤

東坡二刻 卷一
目杜門謝客而傳者遂云物故以爲左右憂聞
李長官說以爲一笑平生所得毀譽殆皆此類
也何時獲奉几杖臨書惘惘

三

黃州

蒙示諭欲爲卜隣此平生之至願也寄身函丈
之側旦夕聞道又况忝姻戚之末而風物之美
足以終老幸甚幸甚但囊中止有數百千已令
兒子持往荆渚買一小莊子矣恨聞命之後然
京師尚有少房縉若果許爲指揮從者幹當賣
此業可得八百餘千不識可納左右否所賜手
書小字如芒知公日益明此大慶也某早衰多
病近日亦能屏去百事澹泊自持亦便佳健異
日必能陪從也

四

承別紙示諭麴蘖有毒平地生出醉鄉土偶作
祟眼前妄見佛國公欲哀而救之問所以救者
小子何人顧不敢不對公方立仁義以爲城池
操詩書以爲干櫓則舟中之人盡爲敵國雖公
盛德小子亦未知勝負所在願公宴坐靜室常
作是念當觀彼能惑之性安所從生又觀公欲

東坡二 卷一
救之心作何形段。此猶不立。彼復何依。雖黃面
瞿曇亦當斂衽。而况學之者耶。聊復信筆以發
公千里一笑而已。

五

顛仆罪戾世所鄙遠。而丈丈獨賜收錄。欲令撰
先府君墓碑。至爲榮幸。復何可否之間。而不肖
平生不作墓誌及碑者。非特執守私意。蓋有先
戒也。反覆計慮。愧汗而已。仁明洞照。必深識其
意所賜五體書。謹爲子孫之藏。幸甚。幸甚。無緣
躬伏門下。道所以然者。惶恐之至。

六

翰林

日望旌旆之至。不敢復上問。不謂高懷超然。不
屑世故。堅臥莫致。有識悵惘。然孤風凜然。足以
下激頽靡。雖非落落可指之功。其於二聖忠厚
之治。所補多矣。比日履茲寒凝。台候何如。未由
瞻奉。伏冀萬萬爲國自重。

七

某碌碌無補。久竊非據。又舍弟繼進。皆以疎愚
處必爭之地。公議未厭。豈可久安。非遠當乞一
郡。以自效。或得過謁。少聞誨語。大幸也。始者竊

東坡二卷一
意丈丈絕意軒冕然猶當強到闕一見嗣聖今
乃確然如此殊垂素望然士大夫甚高此舉也
冗中不盡區區

八

伏承歸政得請恩禮優異伏惟慶慰公孤風亮
節久信天下而有識今日尤復歸心勉強蹙起
以慰二聖之望憐然復退以安無窮之福出處
之間雍容自得真可以爲後世法矣官守所縻
不獲躬詣謹奉手啓區區萬一

九

今晚忽得報承子豐承事遽至大故聞之悲痛
殆不可言美才懿行期之遠到今乃止此士友
所共痛惜而况姻戚之厚悲惋可量丈丈高年
罹此苦毒有識憂懸伏惟高明痛以理遣割難
忍之愛上爲朝廷下爲子孫親友自重不勝縷
縷

十

近者子豐攜長子承務見過見其風骨秀整聞
向下二子益竒死生壽夭皆常事惟有後可以
少慰丈丈意幸以此自遣也

子功淳夫皆欲謁告省覲某恨不同往曉解左
右臨書悽愴

與范子功

登州還朝

違闕歲月書問不繼自咎之深殆無所容伏惟
盛德雅度有以容之比日竊計鎮撫之暇台候
萬福某蒙庇祖遣驟遷過分備員無補惟雅眷
有以教督之乃幸毒熱伏冀順時爲國自重

二

登州還朝

久疎上問愧仰增劇承軒旆將至起居住佳勝欣
慰不已暫還舊席卽膺柄用輿議所屬小子得
少託餘庇尤爲厚幸區區卽遂面究

三

揚州還朝

見舍弟說知得雍信幼孫夭逝聞之怛然便欲
往見從者已散去竊想慈念之深不能無動然
竟亦何益惟千萬以理照遣旦夕面究

四

辱教承晚來起居住佳勝團茶及匣子香藥夾等
已領珍感珍感粟子之求不太廉乎便不得更
送一箇篋離耶呵呵

五

揚州還朝

宿來起居佳勝已馳簡邀伯揚來日會啓聖公
能枉轡甚幸子由明日奠酌後便往啓聖公可
到彼早食也某畧到押賜處便往

六

揚州還朝

廣嚴之會謹如教計必請陳四也分惠佳茆感
感獨飲一杯遂醉書不成字

與范子豐

徐州

伏審子豐南宮殊捷慶忭可量卽日想已唱第
必在高等期集之暇起居住佳勝某更五七日泝

汴愈遠左右臨書悵然惟祈慎重別膺亨寵

二

徐州

小事拜聞欲乞東南一郡聞四明明年四月成
資尚未除人託爲問看回書一報前所託殊不
蒙留意恐非久東南遂請逾難望矣無乃求備
之過乎然亦慎不可泛愛輕取也人還且略示
諭

三

徐州

近專人奉狀達否卽日起居何如貴眷各安局
事漸清簡否某幸無恙水旱相繼流亡盜賊並

起決口未塞河水日增勞苦紛紛何時定乎近
乞四明不知可得否不爾但得江淮間一小郡
皆所樂更不敢有擇也子豐能爲一言於諸公
間乎試留意人還仍乞一報幸甚奉見無期惟
萬萬以時自重

四

徐州

稍不通問伏想起居住佳勝侍郎丈必在郊外過
夏台候必更康安某此與幼累如常八月九月
間秋水旣過彭城城下徹備高麗使已還四明
可以易守當更理前請也會合杳未有涯萬萬

自重

五

徐州

南方夏熱殊非中原之比入秋稍得清涼然夏
田旱損七八鹽法更變課入不登雖閒局不免
以此爲累自餘粗如常也子中子老頃在左右
今已赴官未何時叅候北望不勝馳情

六

徐州

新珠想日長進愛婿無恙甚望丈人高等待乞
利市也納銀一笏託用買圓熟珠子二千枚少
錢告那出便納上婚嫁所須不可奈何甚非情

願幸留意承問似叔頗長成每日作詩讀史但
蒙拙少訓督耳內孫想益聰淑諸郎娘亦計安
也

七

黃州

黃州少西山麓斗入江中石室如丹傳云曹公
敗所所謂赤壁者或曰非也時曹公敗歸華容
路多泥濘使老弱先行踐之而過曰劉備智過
人而見事遲華容夾道皆葭葦使縱火則吾無
遺類矣今赤壁少西對岸卽華容鎮庶幾是也
然岳州復有華容縣竟不知孰是今日李委秀
木來相別因以小舟載酒飲赤壁下李善吹笛
酒酣作數弄風起水湧大魚皆出上有棲鶻坐
念孟德公瑾如昨日耳適會范子豐兄弟來遂
書以與之

八

黃州

臨臯亭下不數十步便是大江其半是峩眉雪
水吾飲食沐浴皆取焉何必歸鄉哉江山風月
本無常主閒者便是主人問范子豐新第園池
與此孰勝所不如者上無兩稅及助役耳

荅范純夫

湖州

東坡二刻 卷一
向者深望軒從一來而還領手教知徑赴治實
增悵惘比日起居住佳勝日對五老想有佳思此
間湖山信美而衰病不堪煩但有歸蜀之興耳
未由會集千萬以時自愛

二 翰林

三辱示諭鄙意不移公休之餽人子之心也不
肖之辭夙昔之分也某已領其意而辭其物物
有齊量意豈有窮哉昔人已聘還圭璋庶幾此
義

三 揚州

到潁半年始此上問懶慢之罪蹶踏無地中間
辱書及承拜命貳卿亦深慶慰然公議望公在
禁林想卽有此拜也春暖起居何如某移廣陵
甚幸舍弟欲某一到都下乞見而行路旣稍近
而老病務省事且自潁入淮矣不克一別臨書
惘惘

四 揚州

某衰病日侵而使客旁午高麗復至公私勞弊
殆不能堪但以來歲災傷不敢別乞小郡然來
年闕食之憂未知攸濟日俟罪譴而已李唐夫

東坡二刻 卷一 十四
一宅甚安沉酣江山旬日忘歸非久赴任也

五

揚州

別後不一奉書懶慢之罪未有以解然別時亦先自陳矣比日履茲初冬起居住佳勝切聞屢進拜喜抃無量與子功同侍邇英此最縉紳之所榮慕又聞有旨許講罷奏事想日有補正也未緣會合千萬自重

六

揚州

奉書不數愧仰可知辱手教且審起居住佳勝爲慰某凡百粗遣聞天官之除老病有加那復堪此卽當力辭乞閑郡耳側聆大用以快羣望未間千萬以時自重不宣

七

揚州

忠文公碑固所願託附但平生本不爲此中間數公益不得已不欲卒負初心自出都後更不作不寫已辭數家矣如大觀其一也今不可復寫千萬亮察魯直日會且致區區兩辱書皆未荅直懶爾別無說然魯直不容我誰復能容我者

八

揚州

東坡二刻 卷一
前日見報知新拜卽欲奉書爲賀又恐草草念
行役間迫猝未能便如禮故不免發數字想不
深訝不寐之喜豈獨以樂正好善之故耶更不
必盡談公議所屬想公有以處之矣私意但望
公不力辭若又力辭乃似辭難矣餘亦見子由
書中乍熱起居如何乍遠千萬爲道自愛

九

赴定州

所示連日入問聖候極是極是見說執政逐日
入問宗室亦逐日問候也已將簡報錢尹令府
中差人徧報諸公矣

十

惠州

某謫居瘴鄉惟盡絕欲念爲萬金之良藥公久
知之不在多囑也子由極安常燕坐胎息而已
有一書附納長子邁自宜興挈兩房來已到循
州一行並安過近往迎之得耗旦夕到此某見
獨守舍耳次子迨在許下子由長子名遲者官
滿來筠省覲亦不久到恐要知六郎婦與二孫
並安健過去日留一書并數品藥在此今附何
秀才去如聞公目疾尚未平幸勿過服涼藥暗
室瞑坐數息藥功何緣及此兩承惠錫器極荷

意重丹霞觀張天師遺跡儻有良藥異士乎令
子不及別書侍奉外多慰子功之喪忽已除祥
哀哉奈何諸子想各已之官其孫婦甚長成且
夕到此矣士一作事

十一 惠州

丁丑二月十四日白鶴峯新居成自嘉祐寺遷
入詠淵明時運詩曰斯晨斯夕言息其廬似為
予發也長子邁與予別三年攜諸孫萬里遠至
老朽憂患之餘不能無欣然乃次其韻我卜我
居居匪一朝龜不吾欺食此江郊廢井已塞喬

次韻詩言

田日 手筆 如 畫

木干霄昔我伊何誰其裔苗下有澄潭可漱可
濯江山千里供我遐矚木固無脛瓦豈有足陶
匠自至笑歌相樂我視此邦如洙如沂邦人勸
我老我安歸自我幽獨倚門或麾豈無親友雲
散莫追旦朝丁丁誰款我廬子孫遠至笑語紛
如剪髮垂結覆此瓠壺三年一夢乃復見予予
在都下每謁范純夫子孫環遶投紙筆求作字
每調之曰訴旱乎訴澇乎今皆在萬里欲復見
此豈可得哉有來請純夫書因錄此數紙寄之
丁丑閏三月五日多難畏人此詩慎勿示人也

東坡二姓
與范元長

儋耳

某慰疏言不意凶變先公內翰遽捐館舍聞訃
慟絕天之喪予一至於此生意盡矣伏惟至孝
承務元長昆仲孝誠深至追慕罔極何辜于天
罹此禍酷荼毒如昨奄易寒暑哀毀日深奈何
奈何某謫籍所拘莫由往弔永望長號此懷難
諭謹奉手疏上慰不次謹疏

二

儋耳

流離僵仆九死之餘又聞純夫先公傾逝痛毒
之深不可云諭久欲奉疏不遇便人又舉動艱

礙憂畏日深今茲書問亦未必達且略致區區
耳

三

儋耳

先公已矣惟望昆仲自立不墜門戶千萬留意
其大者遠者勿徇一至之哀致無益之毀與先
公相照誰復如某者此非苟相勸勉而已切深
體此意餘不敢盡言

四

儋耳

先公論往古事著述多矣想一一寶秘此豈復
待鄙言耶某當遣人致奠海外困苦不能如意

又不敢作奠文想蒙哀恕也歸葬知未得請苦
痛之極惟千萬寬中順變此中百事遠不及雷
然百憂所集亦強自遣也

五

儻耳

聖善郡君不敢拜慰疏言侍次乞致區區沉香
少許望於內翰靈几焚之表末友一慟之意而
已

六

儻耳

孫行者至得書承孝履如宜闔宅皆安感慰之
極所諭傳初不待君言心許吾亡友久矣平生

不作負心事未死要不食言然今則不可九死
之餘憂畏百端想蒙矜察不卽副來意臨紙哀
噎海外粗聞新政有識感涕靈几儻遂北轅乎
未聞千萬節哀自重毒熱揮汗奉疏不次

七

儻耳

聖善郡君承起居住佳適因侍次致下懇乞爲骨
肉保愛寬懷以待北歸也子進諸舅曾得安訊
否

八

儻耳

毒暑遠惟孝履如宜海外初聞近事南來諸人

非純
夫不
能當
公推
重如
此

恐有北轅之漸而吾友翰林公獨隔幽顯言之
痛裂忘生矧昆仲純篤之性感慟摧割如何可
言奈何奈何老朽一言非苟以相寬者先公清
德絕識高文博學非獨今世所無古人亦罕有
能兼者豈世間混混生死流轉之人哉其趨然
世表如仙佛之所言者必矣况其平生自有以
表見於無窮者豈必區區較量頃刻之壽否耶
此理卓然唯昆仲深自愛得歸亦勿亟遽俟秋
稍涼而行爲佳某深欲一見左右赴合浦不惜
數舍之迂但再三思慮不敢爾必深察臨行預

有書相報熱甚萬萬節哀自重

九

北歸

到雷獲所留書承車從盤桓此邦以須一見而
某滯留不時至遂爾遠別且不獲一慟几筵之
前者非愛數舍之勞也困危多畏故爾此老繆
之罪想矜察比日孝履如宜否方此炎暑萬里
扶護哀苦勞艱如何可言忝親友之末不能匍
匐赴救已矣不復云也獨前所見委文字不敢
不留意今託少游議其詳錄惟節哀慎重某不
敢拜狀郡君惟千萬俯爲存沒寬心自重乞呈

東坡二女 卷一
此紙令弟不殊此意

十

北歸

某如聞有移黃之命若果爾當自悟至廣須惠州骨肉到同往計公昆仲扶護舟行當過黃又恐公在淮南路行不由江西卽不過黃又不知某能及公之前到黃乎漂零江海身非已有未知歸宿之地其敢必會見之日耶惟昆仲金石廼心困而不折庶幾先公之風沒而不亡也臨紙哽塞言不盡意

十一

北歸

過雷州奉書必達到容南知昆仲皆苦瘴痢又聞尋已痊損不知卽日何如扶護哀痛且須勉強開解卑心憂懸書不能盡奉囑之意唯深察此心哀哉少游痛哉少游遂喪此傑耶賴昆仲之力不甚狼狽某日夜前去十六七間可到梧若少留一見尤幸某到梧當留以待惠州人至同泝賀江也速遣此人奉書不謹千萬恕察不宣

十二

北歸

永州人來辱書承孝履粗遣甚慰思仰比謂至

東坡二如 卷一
梧州追及又將相從沂賀江已而水乾無舟遂
作番禺之行與公隔絕不得一拜先公及少游
之靈爲大恨也同貶先逝者十人聖政日新天
下歸仁惟逝者不可及如先公及少游真爲異
代之寶也徒有僕輩何用言之痛隕何及某卽
度庾嶺欲徑歸許舍弟處必遂一見昆仲未聞
惟萬萬強食自重

十三

北歸

某忽有玉局之除可爲歸田之漸矣痛哲人云
亡誦殄瘁之章如何可言早收拾事迹編次著

誤相見日以見授也處度因會多方勉之以不
墜門戶爲急監司無與相知者及毛君亦不識
未敢便發書前路問人有可宛轉爲言者專在
意也漂流江湖未能赴救已爲慚負有銀五兩
爲少游齋僧託送與處度也承中間郡君服藥
疾勢不輕且喜安復因侍次致懇千萬寬中保
衛爲請不宣

與蘇子容

離黃州

某頓首違去左右已逾周歲矣懷仰之心惟日
深劇比來伏計機務多暇台候勝常向聞登擢

東坡二如 卷一
常附啓事少致區區想獲聞徹未由趨侍伏望
爲國保重不宣

二 離黃州

某頓首廣陵令姪出所賜教勞問備至感戴無
量兼聞比來台候康勝以慰下情某欲徑往毘
陵而河水未通留家儀真輕舟獨行耳未卽伏
謁門下豈勝馳仰乍熱伏冀爲人自重謹奉手
啓不宣

與劉貢父

徐州

某啓久不奉書直是懶墮耳更無可藉口蒙問
所以然但有愧悚厚薄之說旣無有公榮之比
亦不然老兄吾所畏者公榮何足道哉人心真
不可放縱閑散旣久毛髮許事便自不堪欲寫
此書久矣可笑可笑兄被命還史局甚慰物論
然此事當專以相付乃爲當耳示諭三宿戀戀
人情之常誰能免者然吏民之去公尤難耳何
日遂行惟萬萬以時自重謹奉啓

二 徐州

某啓向聞貢父離曹州遞中附問必已轉達卽
日不審起居何如聞罷史局佐天府衆人爲公

東坡二女 卷一
不平某以爲文字議論是非予奪難與人合甚
於世事南司解舍甚佳浮沉簿書間未必不佳
也至於進退毀譽固無足言者貢父聰明洞達
况更練世故豈待言者耶但區區之心不能不
云爾某蒙庇無恙但秋來水患僅免爲魚而明
年之憂方未可測或教別乞郡脫去又恐遺患
後人爲識者所譏已附詔使奏牘乞以石甃城
脚週迴一丈其役甚大且艱但成則百餘年利
也此去又須晝夜勞苦半年乃成成後勾一宮
觀漸謀歸田耳窮蹇迂拙所值如此奈何奈何
何時面言以散蘊結乍寒惟萬萬自重不宣

三

徐州

某啓示及回文小闋律度精緻不失雍容欲和
殆不可及已授歌者矣王寺丞信有所得亦頗
傳下至術有詩贈之寫呈爲一笑老弟亦稍知
此而子由尤爲留意淡於嗜好行之有常此其
所得也吾儕於此事不患不得其訣及得而不
曉但患守之不堅而賊之者未淨盡耳如何子
由已赴南都十六日行矣

四

徐州

文人
中如
此經
濟實
學那
可得

某啓近辱教并和王仲素詩讀之欣然有得也
久不裁謝爲愧多矣向時令押綱人候信者附
書信不審達否卽日起居住佳勝詩格愈竒古可
令令子錄示數十首否僕蒙恩粗遣水退城全
暫獲息肩然來歲之憂方未可量雖知議閉曹
村口然不敢便恃其不來有一事須至干清聽
去歲曾擘畫作石岸用錢二萬九千五百餘貫
夫一萬五百餘人糧七千八百餘碩於十月內
申詔使仍乞於十二月已前畫旨乃可幹辦雇
募人匠計置物料正月初下手四五月間可了

雖費用稍寬然可保萬全百年之利也今已涉

春杳未聞耗計日月已迫必難辦集又聞有旨

下淮南京東起夫往澶州其勢必無鄰郡人夫

可以見及前來本州下南京沂宿等州差夫八
千人并本州差夫三千五百人共役

一月以此知前來石岸文字必不遂矣今別相

度裁減作木岸工費僅減一半用夫六千七百

餘人仍差三千五百餘
人以平常錢召募糧四千三百餘碩錢一

萬四千餘貫雖非經久必安之策然亦足以支

持歲月待河流之復道也若此策又不行則吾

州之憂亦未可量矣今寄奏檢一本奉呈告貢

東坡二刻 卷一 三十五
父與令姪仲馮力言之此事必在戶房可以出力萬一不當手亦告仲馮力借一言此事決不可緩若更下所屬相度往反取旨則無及矣况所乞止百餘紙祠部其餘本州皆已有備若作而不當徐行遣官吏亦未晚惟便得指揮閏月初便可下手爲佳某豈曉土功水利者乎職事所迫不得不爾每自笑也若朝廷選得一健吏善興利除害者見代一郡之幸也然不敢自乞嫌於避事爾言輕不足以取信惟念此一城生聚必不忍棄爲魚鼈也僕於朝中誰爲可訴者惟貢父相愛必能爲致力仍乞爲調其可否詳錄付去人回不勝日夜之望未緣會面萬萬以時自重人行奉啓不宣

五

翰林

久闊暫聚復此違異悵惘至今公私紛紛有失馳問辱書感怍無量字畫妍緊及問來使云尊貌比初下車時暫且澤矣聞之喜甚比來起居想益佳何日歸覲慰士大夫之望未間萬萬爲時自重不宣

六

翰林

東坡二刻 卷一 三
某忝冒過甚出於素獎然迂拙多忤而處爭地不敢作久安計兄當有以教督之血指汗顏旁觀之謂奈何奈何舉官之事有司逃失行之罪歸咎於兄清明在上豈可容此小子何與焉茯苓松脂雖乏近効而歲計有餘未可棄也默坐反照瞑目數息當記別時語耶

七

翰林

某江湖之人久留輦下如在樊籠豈復有佳思也人情責望百端而衰病不能應副動是罪戾故人知我想復見憐耶後會未可期臨書悵惘禪理氣術比來加進否世間關身事特存此耳願更着鞭區區之禱也

與曾子宣

登州還朝

某啓流落江湖晚獲叨遇惟公照知如一日也孤愚寡與日親高誼謂得永久不謂尚煩藩翰之寄違闊以來思仰日深特辱書教伏承履茲初涼台候萬福欣慰之極二聖思治求人如不及公豈久外惟千萬順時爲國自愛不宣

二

翰林

某啓日欲作塔記未嘗忘也而別後紛紛實無

東坡二如
少暇既請寬限而自違之慚悚無地數日來方
免得詳定役法自此庶有少閒得應命也屢煩
誨諭知罪深矣

三

翰林

某啓上黨鴈門出一草藥名長松治大風氣味
芳烈亦可作湯常服近歲河東人多以爲餉若
不甚難致乞爲求一斤許仍恕造次某再拜啓
張侔損其父應之名谷者歐陽文忠公之友也
文行清修有古人風而仕不遂損亦守家法令
子弟也與之久故幸得在左右想蒙顧盼適有

少冗而張侔行速不盡區區非久別奉狀不宣

四

翰林

某啓涉暑疲病久闕上問曲蒙存錄遠賜手教
感忤深至比日鎮撫多暇起居清勝某託庇粗
如直舍塊處游從稀少西望旌棨臨書惘惘伏
暑尚熾伏惟順序保練少慰下情不宣

五

翰林

某蒙庇如昨幸與子開同省孤拙當有依賴幸
甚幸甚袞袞過日無毫髮之補甚不自安又未
敢乞郡何時款奉少盡所懷臨書惘惘寄惠長

東坡二效 卷一
松榛實天花菜皆珍異之品捧當感作

六

翰林

某啓辱教伏承台候萬福爲慰塔記非敢慢蓋
供職數日職事如麻歸卽爲詞頭所迫率常以
半夜乃息五更復起實未有餘力乞限一月所
敢食言者有如河願公一笑而恕之旦夕當卜
一邂逅而別

七

翰林

某啓又辱寵顧感幸殊深仍審台候康勝爲慰
塔記重承來諭敢不稟命承借發願文幸得敬

閱人還迫夜奉謝不宣

八

翰林

某啓昨日辱台旆臨顧不及拜迎方欲裁謝不
敏遽枉手教感悚無地且審比日起居住佳勝啓
行有日終當卜一邂逅續馳問次人還草草不
宣

九

翰林

某再啓退辱示諭讀之汗流洽背非所以全莛
不肖也塔記如河之誓豈敢復渝惟深察之

十

翰林

某深欲往會屬以約數相知在淨因矣不罪不
罪後旬更不敢有所如謹俟命耳來日必獲望
見併留面謝悚息悚息

十一

翰林

某再啓自公之西有識日望詔還豈獨契愛之
末邊落寧肅公豈久外哉示諭塔記久不馳納
愧悚之極乞少寬之秋涼下筆也親家柳子良
宣德赴潞幕獲在屬城知幸知幸謹奉手啓冗
迫不盡區區

十二

南遷

某不敢通問特承不鄙廢放手書存問乃敢裁
謝萬一塔記久草下因循未曾附上今不敢復
寄異時萬一北歸或可錄呈爲一笑也旦夕離
南郡西望悵然言不能盡意

與劉仲馮

徐州

某啓早秋微涼伏惟機務多暇台候萬福高才
盛德進貳西府有識共慶豈惟區區契舊之末
未緣伏謁門下但有馳仰伏冀順時爲國保練
不宣

二

揚州

東坡二如 卷一
某拜違暮歲衰病疲曳書問不繼愧負深矣到揚數病在告出輒困於迎送猶幸歲得半熟公私省力可以少安皆德庇所逮也

三

定州

某啓近奉賜教獎予過重感恚不已比日機務多暇台候勝常某蒙庇如昨未緣接待但有馳仰乍暄伏冀爲國自重謹奉手啓不宣

四

定州

某再啓官杜宗輔訥於言詞而治軍嚴整有足觀者之國參見幸略賜問當備驅使也

東坡五

定州

某啓近將官赴闕附狀不審已開覽否比日履茲薄暑台候何似某蒙庇粗遣民雖饑乏盜竊衰止若旦夕得一麥熟遂大稔矣未緣瞻望伏冀爲國自重不宣

六

定州

某近奏弓箭社事必已降下旦夕又當奏乞修軍營頻瀆朝聽悚息待罪利害具狀中此不縷陳隣近諸路皆時有北賊小小不申報者尤多民甚患之惟武定一路絕無者以有弓箭社人

故也近承指揮開禁山事此正是本司舉察方
 欲從長酌中處置奏聞次走馬者聞之遂以為
 已見耳此弊所從來遠矣起稅為永業者已數
 百家若驟以法繩治起遣其人搔擾失業有足
 慮者自某到任後斫伐開耕者四五火無不依
 法編管前此皆置而不問縱有本縣寨解到亦
 平治小了耳其人開耕已成業者見別作擘畫
 旦夕回申次

東坡先生尺牘一卷 終

東坡先生尺牘二卷目錄

滕達道六十八首

東坡先生尺牘二卷

瑯琊焦竑批點

江夏黃居中訂正
茂苑許自昌校閱

與滕達道

札倅

某啓近因使還奉狀必達比日想惟軒旆已達
太原鎮撫之餘起居住佳勝某此月出都今已達
泗上淮山照眼漸聞吳歌楚語此樂公當見羨
也吳中有幹幸不外方暑千萬爲時自重

密州

某再啓東武今歲蝗災尤甚而官吏多方繩以
微文蠲放絕少自到任不任有人戶告訴旣非

檢覆之時已奏乞體量減放仍已申聞去訖或更得明公一言尤幸也親法隊伍已團結次然有州縣不得干預之說自古豈有郡守而不管兵者其他不便未可以一二數也咫尺無緣一見以盡所懷昨日得舍弟書王殿丞又恐却赴任果爾則碎命又未可知也窮蹇圖事無適而不齟齬好笑好笑

三

密州

某啓新法將官所管兵更不差出而本州武衛差在巡檢者千餘人若抽還則威勇忠果之類必填不足已申安撫司去乞爲論列也

四

密州

某啓違遠已久瞻仰日深卽辰履茲凝互台候何如某孤拙無狀得在麾下蓋天幸也但門庭咫尺無緣馳候豈勝悵然唯冀上爲廟社益加自重謹奉啓上謝不宣

五

密州

某再拜舍弟仰玷辟書荷恩至深不唯得所託附以爲光寵又兄弟久別得少相近私喜殊深但未知可決得否渠朝中更無人可與問逐明

東坡二刻 卷二
公憐之少爲留意當不難得也久違左右所懷
千萬非書所能盡也

六

徐州

某啓輒有少事奉白向在密州有都巡檢王述
崇班者以踰濫體量致仕不得廕子述乃慶曆
名將王仲寶之孫咸之子咸爲鹽賊李小三所
殺述不肯發喪手擒此賊剗心祭其父乃肯成
服僕具以此奏其略云忠孝臣子之大節踰濫
武夫之小過捨小錄大先王之政也先帝爲特
官其子璋璋有武幹慷慨有父風而頗畏法今
聞其在公部內巡鹽料未有人知之願公呼來
與語若果可采望特與提拔剪拂異日必亦一
快辣將官也才想知我之深不罪造次

七

徐州

某啓示喻宜甫夢遇於傳有無某聞見不廣何
足取正取正一作以質然冷暖自知殆未可以前人之有無爲

證也

自聞此事

而士大夫多異論

意謂塗中必

一見得

叅扣

更不果

此意衆生纏繞愛賊故爲

饑火所燒

然其間自有

燒不着處

一念清淨便

不復食

亦理之常

無足怪者

方其不食不可強

使食猶其方食不可強使不食也此間何必生
異論乎願公以食不食爲旦暮以仕不仕爲寒
暑此外默而識之若以不食爲勝解則與異論
者相去無幾矣偶蒙下問輒此奉啓而已不罪

八

徐州

某欲面見一言者蓋謂吾儕新法之初輒守偏
見至有異同之論雖此心耿耿歸於憂國而所
言差謬少有中理者今聖德日新衆化大成回
視向之所執益覺疎矣若變志易守以求進取
固所不敢若曉曉不已則憂患愈深公此行尚
深示知非靜退意但以老病衰晚舊臣之心欲
一望清光而已如此恐必獲一對公之至意無
乃出於此乎輒恃深眷信筆直突千萬恕之死
罪

九

徐州

安道公殆是一代異人示諭極慰喜慰喜

十

黃州

某啓別來忽復中夏永日杜門思仰無窮比來
起居何如張奉議來稍獲聞問甚慰所望府第
已成雄冠荆楚足使來者想見公之風度無緣

一寓目但有企想乍熱惟冀順時爲國自重因
楊道士行奉啓上問不宣問問甚切西望
某啓冗迫不時上狀伏想台候勝常某蒙庇如
昨未還老哲輿論缺然更冀爲國順時自重區
區不宣

十二

黃州

某啓乍冷共惟台候萬福近因還使拜狀必達
某蒙庇如昨廢放雖久憂畏不衰見且杜門以
全衰拙諸不煩垂念何時展奉臨紙苑結尚冀
以時自重少慰區區奉啓上問不宣

十三

黃州

某啓孟震亨之朝散與之黃州故人相得極懽
今致仕在部下且乞照管其人真君子也

十四

黃州

某啓專使辱示手書且審比日台候康勝甚慰
下情某蒙庇如昨但旬日來親客數人相過又
李公擇在此不免往還紛紛裁謝少稽諒未深
訝未緣展奉惟冀順時爲國自重謹奉手啓上
問不宣

某再啓蜀僧遂獲大字以歸不肖增重矣感忤之至蕭相樓詩固見之子由又說樓之雄傑稱公之風烈記文固願掛名豈復以鄙拙爲解但得罪以來未嘗敢作文字經藏記皆迦語想醞釀無由故敢出之若此文當更俟年載間爲之如何仲殊氣訣必得其詳許傳授莫大之賜也此道人久欲游廬山不知有行期未若蒙他一見過又望外之喜也數年來覺衰不免回嚮此道矣不一一

某恃舊眷輒復少懇本州倅孟承議震老成佳士有一子應武舉未有舉主欲出門下輒納其家狀幸許其進特爲收錄孟倅以未嘗拜見不敢便上狀其子頗有學行更乞詳酌累有干瀆悚息不可言不一一

某啓孟生還領書教并賜大字二墨喜出望外從游不厭而不得公大字以爲闕典故輒見意始望數字耳豈敢覬許大卷乎張君又有假虎

東坡二刻 卷二 六
之說每不敢當公若不嫌有何不可比日台候
何如李嬰長官乞告改葬過府欲求防護數人
乞不阻乍暄萬乞爲國自重冗中不宣

十八

黃州

某啓專人復來承已過信陽跋涉風雨從者勞
矣比日起居何如某比謂公有境上之約必由
黃陂遂徑來此拙於籌量遂失一見愧恨可知
然所言者豈有他哉徒欲望見顏色以慰區區
且欲勸公屏黜浮幻厚自輔養而已想必深照
此誠人還匆匆不宣

十九

黃州

某啓近專人還奉狀必達比日台候何如連月
陰雨旅懷索寞望德馳情如何可言尚冀保練
以慰微願因孟生行少奉區區不宣

二十

黃州

某啓知前事尚未已言旣非實終當別白但目
前紛紛衆所共歎也然平生學道專以待外物
之變非意之來正須理遣耳若緣此得暫休逸
乃公之雅意也黃當江路過往不絕語言人事人
情難免不若稱病不見爲良計二年不知出此

今始行之耳西事得其詳乎雖廢棄未忘爲國
家慮也的信可示其略否不能盡區區

人事一作之間
免字一作則

二十一

黃州

某閑廢無所用心專治經書一二年間恐了得
論語書易舍弟已了却春秋詩雖拙學然自謂
頗正古今之誤粗有益于世瞑目無憾也又往
往自笑不會取快活真是措大餘業聞令子手
筆甚高見其字想見其人超然者也

二十二

黃州

某啓專使至遠辱手誨累幅伏讀感慰所喜比
來起居康勝不足言也某凡百如常杜門謝客
已旬日矣承見教益務閑藏而已近得筠州舍
弟書教以省事若能省之又省使終日無一語
一事則其中自有至樂殆不可名此法竒秘惟
不肖與公共之不可廣也畫本亦可摹爲省事
故亦納去耳今却付來使不罪吳畫謾附去冬
至後齋居四十九日亦無所行運聊自反照而
已願公深自愛養區區難盡言想識此意也

二十三

黃州

某近張寔處蒙寄貺四壺今又拜賜雖知不違

東坡二卷二
條然屢爲煩費已不惶矣酒味極佳此間不可
髣髴也

二十四

黃州

某啓所示文字輒以意裁減其冗別錄一本因
公之成又稍加節略爾不知如何漕司根鞫拮
據微瑣於公尤爲便也緣此聖主皎然知公無
過矣非特不足恤乃可喜也但靜以待命如乞
養疾之類亦恐不宜荷異眷不敢不盡璋師羅
漢堂記俟試思量仍作伽語莫不妨否然廢人
之文章未必喜之如何

二十五

黃州

某啓公忠義皎然天日共照又舊德重望舉動
當爲世法不宜以小事紛然自辨若如來喻引
罪而乞寬司僚於義甚善卑意如此

二十六

黃州

某到黃彼聞公初五日便發由信陽路關然數
日如有所失也欲便歸黃州又雨雪間作向僧
房中明窻下擁數塊熟炭讀前漢書戾太子傳
贊深愛之反復數過知班孟堅非庸人也方感
歎中而公書適至意思豁然稍晴暖當陽羅江

上放舟還黃也

二十七

黃州

某啓近日人還奉狀必達雪後寒苦伏想起居佳勝歲復行盡展奉何時旅懷索然但有傾系尚冀爲時自重別膺新社

二十八

黃州

某再拜見戒不爲外境所奪佩此至言何時忘乎王經臣者觀其語論微似颯颯然其言未足全信也所傳小詞爲僞託者察之然自此亦不可不密也回文比來甚竒嘗恨其主不稱若歸

吾人真可喜可謂得其所哉亦須出也元素若果來一段竒事當預以書約之令携俊生來一夔足矣冗迫久不上狀伏想台候勝常某蒙庇如昨未還老哲興望缺然更冀順時爲國自重

二十九

黃州

某啓示喻夏中微恙卽日想全清快近聞元素開閣放出四人此最衛生之妙策其一姓郭者見在野夫處元素欲醒而野夫方醉爾頒示二小團皆新竒蘇合酒亦佳絕每蒙輟惠慚感可量今日見報蒲傳正般出天壽院何耶張夢得

東坡二刻 卷二
嘗見之佳士佳士

三十

黃州

屢枉專使感愧無量兼審比來尊體勝常以慰下情某近絕佳健見教如元素黜罷薄有所悟遂絕此事仍不復念方知此中有無量樂回顧未絕乃無量苦辱公厚念故盡以奉聞也晚景若不打疊此事則大錯雖二十四州鐵打不就矣既欲發一笑且欲少補左右耳不罪不罪

三十一

黃州

公解印入覲當過岐亭故縣預以書見約輕騎走見極不難慎勿枉道見過想深識此意乍冷萬乞自重

三十二

離黃州

某啓僕買田陽羨當告 聖主哀憐餘生許於此安置幸而許者遂築室荆溪之上而老矣僕當閉戶不出君當扁舟過我醉甚書不成字

三十三

離黃州

某晚生蒙公不鄙與游又令出字似涉僭易願公自命却示及作字說乃寵幸也

三十四

離黃州

東坡二卷二
某再拜承示喻盛字見耘老云改作達道不知
尚未定耶欲令重議此朋友之事某於公爲晚
輩豈敢當此然公有命不敢違當徐思之先以
書布聞左右然後敢作說也惶恐惶恐

三十五

離黃州

某啓久不奉狀愧仰日深辱專人手書具審比
來台候勝常感慰兼集自聞公得吳興日望一
見於中塗而所至以賤累不安遲留就醫竟失
一嬰兒又老境所迫歸計茫然故所至求田問
舍然卒無成十四日決當離此真州更不敢住

恐真守堅留當任一日不知公猶能少留以須
一見否死罪死罪若到揚聞公猶在亦須當輕
舟往見也若又失此期則遂遠別矣漸涼惟順
時爲國白重人還謹奉狀布謝不宣

三十六

離黃州

某去歲所買田已旱損一半更十日不雨則已
矣竒窮所向如此可笑可笑耘老遠去此意豈
可忘老病憔悴得公厚顧翹首增氣也

三十七

離黃州

某啓疊蒙遣人賜書憂愛厚甚感忤不已比日

履茲新涼台候勝常深慰下情喪子之戚尋已
忘之矣此身如電泡况其餘乎聞今日渡江恨
不飛去風逆不敢渡又與一人期於真州有少
急切之幹度非十九日不可離真早發莫可見
公以二十日行猶可赶上官日也不知能少留
否若得略見喜幸不可言也餘冀爲時自重

三十八

離黃州

某到此時見荆公甚喜時誦詩說佛也公莫略
往一見和甫否餘非面莫能盡某近到筠見子
由他亦得旨指射近地差遣想今已得替矣吳

興風物足慰雅懷郡人有賈收耘老者有行義
極能詩公擇子厚皆禮異之某尤與之熟願公
時一顧慰其牢落也近過文肅公樓徘徊懷想
風度不能去某至楚泗間欲入一文字乞於常
州任若幸得請則扁舟謁公有期矣

三十九

離黃州

某啓別後不意遽聞國故哀號追慕迄今未已
惟公忠孝體國受恩尤異悲苦之懷必萬常人
比日起居何如某旦夕過江徑往毘陵相去益
近時得上問也爲時自重不宣

四十

離黃州

某再啓承差人送到定國書所報未必是實也都下喜妄傳事而此君又不審乃四月十七日發來邸報至今不說是可疑也一夫進退何足道所喜保馬戶導洛堆塚皆罷茶鹽之類亦有耗矣二聖之德日新可賀可賀令子各安勝未及報狀也

四十一

離黃州

某啓耘老至又辱手書及耘老道起居之詳感慰不可言某留家儀真獨來常以河未通致公見思之深又有舊約便當往見而家無壯子弟須却還般挈定居後一日可到也惟深察近日京口時有差除或云當時亦未是實計當先起老鎬僕或得連茹耶惠貺三十壺携歸餉婦矣餘耘老能道不宣某頓首

四十二

離黃州

聞張郎已授得發勾春中赴上安道必與之俱來某若得肯當與之聯舟而南窮困之中一段樂事古今罕有也不知遂此意否秦太虛言公有意拆却逍遙堂橫廊切謂宜留之想未必爾

聊且言之明年見公當館於此公雅度宏偉欲其軒豁卑意又欲其窈窕深密也如何不罪造次

四十三

離黃州

四聲可罷之萬一浮沉反爲患也幸深思之不罪

四十四

離黃州

某再啓近在揚州入一文字乞常州住如向所面議若未有報至南都當拜一削也承郡事頗素齊整想亦期月之勞爾微疾雖無大患然願公無忽之常作猛獸毒藥血盆膿囊觀乃可勿孤吾黨之望而快羣小之志也情切言盡必恕其拙幸甚

四十五

離黃州

某啓一別四年流離契闊不謂復得見公執手恍然不覺涕下風俗日惡忠義寂寥見公使人差增氣也別來情懷不佳忽得來教甚解鬱鬱且審起居佳勝爲慰某以少事更數日方北去宜興田已問去若得稍佳者當扁舟徑往視之遂一至湖見公固所願然事有可慮者恐未能

往也若得請居常則固當至治下攪擾公數月也未間惟萬萬爲時自重

四十六

離黃州

某再啓別諭具感知愛之深一一佩刻董田已遣人去問宜興親情若果爾當乘舟徑往成之然公欲某到吳興則恐難爲不欲盡談唯深察之到南都欲一狀申禮曹凡刊行文字皆先毀板如所教也有監酒高侍禁永康者與之外姻聞亦甚謹幹望略照庇如察其可以剪拂又幸也

四十七

赴登州

某啓前蒙惠建茗甚荷醉中裁謝不及愧悚之劇登州見闕不敢久任遠接人到便行會合邈未有期不免悵惘舍弟召命蓋虛傳耳君實恩禮旣異責望又重不易不易某舊有獨樂園詩云兒童誦君實走卒稱司馬持此將安歸造物不我捨今日類詩讖矣見報中憲言右揆不當見在告必知之京東有幹幸示喻

四十八

赴登州

某啓專使至辱手誨伏承起居佳勝大慰馳仰

某受命已一月甚欲速去而遠接人未至船亦未足督之矣向離有十日之約勢不可任愧負無限區區之學頃已試之矣竟無絲毫之補復此強顏歸於無成徒爲紛紛益可愧也心之伊鬱非面莫能道想識此意唯萬萬爲人自重人還奉啓上謝不宣

四十九

赴登州

某啓承專人借示李成十幅圖遂得縱觀幸甚幸甚且暫借留令李明者用公所教法試摹看只恐多累筆耳此本真竒絕須當愛護也月十

日後當於徐守處借人齎納

五十

赴登州

某啓前者使還醉中裁謝極於散慢至今恐愧不審比日台候何似某已被命實獎借之素已奏候遠接人計不過七月中下旬行伏恐知之士論望公入覲久未聞何也想亦不遠無由面別瞻望惋悵溽暑方熾萬冀順時爲國自重不宣

五十一

赴登州

許爲置朱紅累子不知曾令作否若得之携以

北行幸甚如不及已亦非急務不罪

五十二

登州

某啓入春來連日雨今日忽晴快所居江山爽秀悵然懷公不知頗作樂否近得安道及張郎書甚安健子由想已過矣青州資深相見極懽今日赴其盛會也閑恐要知

五十三

登州

某再拜自承哀疚日欲拜疏以不審知從者所至以故至今日月如昨忽復徂暑伏惟追慕摧切觸物增慟奈何奈何卽日伏料孝履支福明公聲望隱然雖未柄用坐鎮一方猶足以携持人心今茲退歸有識所共歎而孤拙無狀尤爲失巨庇也唯冀節哀自重少慰區區謹奉手啓上問不次

五十四

登州

某啓少懇布聞不罪不罪某好携具野飲欲問公求朱紅累子兩卓二十四隔者極爲左右費然遂成藉草之興爲賜亦不淺也有便望頒示悚息

五十五

登州

某本作此書託一同人帶去既而其人却留滯
淮南近復帶還豈勝慚悚今復附上前疏貴察
其非懈怠也忽然秋盡起居何似向承示喻斤
斧鄙詞非見愛之深豈能爾耶向示自有一本
云且闕尊前見在身恐閑知之東方有幹乞示
下

五十六

登州

某于求累子已蒙佳惠又爲別造朱紅尤爲竒
妙物意兩重何以克當捧領訖感愧無量舊者
昨寄在常州令子由帶入京俟到不日便持上

也

五十七

登州

鰕魚三百枚黑金棋子一副天麻煎一節聊爲
土物不罪浼觸令子思渴冗中不及別啓

五十八

登州

某感時氣臥疾逾月今已全安但勿累更臥尚
紛紛也措道人名世昌縣竹人多藝然可閑攷
驗亦足以遣懣也留此幾年與之稍熟恐要
知

五十九

登州

東坡二刻 卷二
所有二賦稍晴寫得寄上次只有近寄潘谷求
墨一詩錄呈可以發笑也衲衣尋得不用更尋
累卓感留意悚怍之甚柑子已拜賜矣北方有
幹垂示

六十

登州

某屏居如昨舍弟子由得安問此外不煩遠念
久不朝覲緣此得望見清光想足慰公至意其
他無足云者貴眷令子各計安勝月中前急足
遠寄必已收得略示諭

六十一

登州還朝

某啓此去見有方藥可以起公之微疾者專爲
訪之如所諭也四月中所報及却罷之由未聞
其實到都下當馳白也

六十二

南省

某慰言不意禍故奄及閨閣聞問怛然悲惋不
已竊惟恩義之重哀痛難堪日月如昨屢易弦
望追慟無及觸物增感奈何奈何未由躬請吊
問臨紙哽塞謹奉疏陳慰謹疏

六十三

南省

某啓驚聞郡封傾逝悲愴無量恨不躬往慰問

但以至理寬譬左右也平日學道熟觀真妄正
爲今日但當審察本心無爲客塵幻垢所汚况
公望重中外今者人物雕喪耆老殆盡切須自
愛若復纏綿留戀不卽一刀兩段乃是世俗常
態非所望於豪傑也願三復此語而已餘非面
能盡

六十四

南省

某以館伴北使半月比出方聞公有閨中之戚
慰問後時本欲別作令子昆仲慰疏秦君行遠
作書未及惟千萬節哀以慰親意也相次別奉

狀

六十五

翰林

某啓迫冗稍疎上問愧仰增極切想下車以來
靜治多暇有以自適卽日履茲酷暑台候何似
某忝冒過分非提獎有素何以及此明公舊德
偉望尚在外服輿論未允伏冀以時倍加保嗇
以慰區區不宣

六十六

翰林

某啓近數奉狀一一聞達比日切惟鎮蒞多暇
台候萬福某蒙庇粗遣但躡次驟進處必爭之

東坡先生尺牘二卷終
地非久安計但脫去無由公必念之蒙惠地黃煎扶衰之要藥若續寄尤幸

六十七

翰林

某再啓瀛州之命旣以先諱爲辭想當易地耶所云杭已除元素計必聞之矣佳夢豈特公愛我之深發於想念爾批示黨人甚堪一笑而已子由除戶侍方欲辭免也閑恐知之孔經甫外制顧將軍夕拜張仲舉待制皆恐要知廣大格豈敢望李憨子耶然亦有一長從來不敢使倖及賴耳想當一笑寄惠地黃煎感服厚念

六十八

翰林

某啓部民董遷篤學能文下筆不凡非復世俗氣韻如請見願加獎勵遂成就之其兄復溱學道屏居不與俗交其文亦秀邁可觀皆公所欲知者故敢以聞近因親情王承議行託附書信必達某衰病短才任用過量論議疎闊所向難合日俟汰遣而已辱知之厚故粗及之

東坡先生尺牘二卷終

合日知...
 必襄其美...
 味亦姑...
 養用...
 求隨...
 其亦...
 六...



